

مستطابق

در سعادته باب عالی جاده سنده
اداره مخصوصه
محل اداره :

مستطابق :
مستطابق موافق آثار جدید مع المنوین
قبول اولنور
درج ابدلین آثار اعاده اولنور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

در سعادته نسخه سی . ۵۰ پاره در

قبیله دن مقوا بورو ابله کوند ریلر سه سنوی
۲۰ فروش فضله آلنیر

تاریخ تأسیسی :

۱۱ خور ۳۲۴

سنه لکی	القی آبلانی
۶۰	۳۰
۸۰	۴۰
۸۰	۴۰

در سعادته
ولا پاتده
مملک اجنبیه ده

در سعادته پوسته ابله کوند ریلر سه ولا یات بدلی اخنه اولنور

ایکنجی جلد

۱۸ صفر ۳۲۷ پنجشنبه ۲۶ شباط ۳۲۴

عدد : ۲۹

نفوس اسلامیه نك یوزده یكرمی بش نسبتده تناقص ایتدیكى و نقصانك
كوندن كونه آرتقمده اولدینی درسعادت نفوس دائرہ سنده بوانسان
برذاتدن و تنبیه مسموع راقم الحروف اولمش ایدی . صد هزار اسف .
معاصر لر مزدن آمریقایی بر محرر آمریقایی قادینلرك اولاد
یتشدر ماملری ووالدهلك وظائفندن وار ككلرك تاهلندن قانچملری
حسیله آمریقاده تزیاد نوسه خلل كلدیكنی متأسفانه بیان ایتدكن
صكره « بر مملكتده ار ككلر كثیرالافراد بر عائله یی كچدیرمكدن
قورقه رق تاهل ایتزلر وقادینلردخی بر قادین ایچون اك بیوك سعادتك
انی برزوجه ووالده اولمقندن عبارت بولندیغنی اكلامازلرسه اولمككك
آیتسندن قورقیلور » دیمشدر .

قادینلر ، قهرمان وفاضل محصورلات ذی حیات یتشدر مدرك وطنی
احیا واعمار ایدر وطنك مربیه ومعلمه اولاسی و خانهك زینت
وجمالیدرلر . برنجی وظیفه لری زوجلرینه محبت و صداقت ، والدهلك
تربیه اولاد ، تدبیر منزله عائد ایشلری كورمكدر . قوجه لركده وظائفی
زوجلرینی اعاشه وحمايه ایتك . آنلر ایله حسن معاشرت وحقوق
زوجیه رعایت ایلیمكدر . طلاق انجی اسباب ضروریه بولندیغنی وقت
مباحدر . بهمه حال مفارقتك وقوعی ایجاب ایتیمان احوالده طلاق
مباح دكلدر ، رسول اكرم صلی الله علیه وسلم افندمز : « ان بغض
المباحات عند الله الطلاق » بیورمشدر كه نزد الهیده مباحلرك اك
مبغوضی طلاقدر دیمكدر . ینه مشكاه درخشان نبوتدن « تزوجوا
ولا تطلقوا فان الطلاق یتز منه العرش » حدیثی شرف صدور ایتشدر .
تزوج ایدك فقط تطلیق ایتیمك . زیرا طلاقدن عرش رحمن
صارسیلور . درر حاشیه سی شرنبالالی ده بوبابده ذكر اولنان كلامك
خلاصه سی شودر : « اصح اولان بودر كه مفارقتی ایجاب ایدر بر
احتیاج و ضرورته مبنی اولدقچه طلاق محظوردر . طلاق نزد الهیده
بك مبغوض ومنفور برکیفیت اولدینی حالده مشروعیتی ، زوجین
بیننده تباین اخلاق حسیله بغض ومنافرت وقوعه كلوبده هیچ
بروجه ایله ائتلاف قابل اوله مدینی وعلی الخصوص زوجیه موجب
تهمت بر حالده بولندیغنی زمان چاره خلاص انجی طلاق اولسی ونسانك
زمام اداره سی رجلك النده بولنسی حكمتیه مبنی در » .

طلاقك حكمت مشروعیته واقف اولمایان ویاخود بیادیكى حالده تغافل
ایدن بعض بدخواهان دین مینه قارشو ، بوكون غربك طلاق عامه
قبول ایدرك حكم شرعی یه معنا اقتدا ایلمش اولملری جواب کافی دلیل
شافی در .

بركت زاده : اسماعیل مهنی

احكام الحرب والصلح في الاسلام

حربك اسلامیتده شروطی

تفصیلات مسروده دن مستبان اوله جنی وجهله دیانت معظمه

اسلامیه علی الاطلاق حربیه جواز ویرمامش ویاكیز تألیف بین وتوخید
عقائد طرفین امنیه سی ویا مقابله ومدافعه داعیه سی ایله شرائط اعتدال
دائرہ سنده وقوعه ماذونیت ویرمش ایسه ده محارب اولان دشمنك
حال وشانه ومعتقداته نظراً حربك احكامی اختلاف ایدر . زیرا
اسلامه دعوت ایچون اهل كتابك یعنی انجیل شریف وتورات شریفیه
تابع واحكام مشروعه سیله عامل اولانلرك مباشرة وتجاوزاً حربلری
جائز اولمادیغنی « ولا تجادلوا اهل الكتاب الا بالتي هي احسن » آیت
كریمه سیله ثابت ومعنا ی منینی ای مؤمن اولان قوللرم سنر اهل كتابك
اولان یهود ونصارا ایله حسن صورتله مباحنه دن بشقه بر صورتله
مجادله ایتیمكز دیمكدر .

كذلك سورة مذكوره علی اسلامه دعوت خصوصنده « وقل
للذين اتوا الكتاب والاميين اسلمتم فان اسلموا فقد اعتدوا وان تولوا
فانما عليك البلاغ والله بصير بالعباد » معنای شریفی : ای محمد ، سن اهل
كتاب اولان یهود ونصارا یه وكتابیه تابع اولمایان جهله یه اسلام اولور میسكز
دیو سوال ایله : مسلمان اولورلر ایسه نائل هدایت اولمش اولورلر ،
اسلامی قبولدن امتناع ایدرلرسه سكادوشن یالكیز وظیفه تبلیغ ودعوتی
ایفادن عبارت اولوب ، جناب حق ایسه قوللرینك احواله آكه
وآشنادر . ایشته اشبو آیات كریمه دن دخی مستبان اولدینی وجهله
اسلامه دعوت صرف وعظ ونصیحت ورفق وملايمت صورته لریله
وقوعولمش اولوب جبر واکراه صورتیله واقع اولمادیغنی ودینه دعوت
ایچون سیف و سنان ویا تیر وكن استعمال بیورلماش اولدینی وپیغمبر
ذیشان علیه صلوات الرحمن افندمرك غزوات شریفه ومحاربات واقعلری
یاكندیلریله معاهد بولنان قبائلك نقض عهد وخیانت ایلملرینه
ویاخود اوزرینه هجوم واقتحام ایدن اعدانك منع شر ودفع ضررلری
مقصدینه مبتنی اولوب ظلما وعدوانا هیچ برحربه تصدی بیورمدقلری
معلوم ومسلمدر . زیرا دینه دعوت خصوصنده اكرام واجباریه مساع شرعی
اولمادیغنی « لا اكره فی الدین قد تبین الرشد من الغی فمن يكفر بالطاغوت
ویؤمن بالله فقد استمسك بالعروة الوثقی لا انفصام لها والله سميع عليم »
آیات كریمه لریله مدال ومضمون منیقلری : دین اسلامده اكرام واجبار
یوقدر ، زیرا پرتو هدایت وظلمت غوایت واضح وهویدا اولمشدر .
عبادت اصنامی ترك ایله جناب الله ایمان ایدن سعادت دارینه نائلیت
خصوصنده قابل انقطاع وانفصام اولمایان اك محكم واستوار عروه
وثقای محبت ایله اعتصام ایلمش اولور . جناب عالم السر والخطایا ایسه
هرحقیقه واقف ودانادر . خصوصیه علیه الصلاة والسلام افندمرك
زمان سعادتلرنده اوقات مختلفه واسباب موجب و محجبه اوزرینه قرق
یدی دفعه جهات شتایه سراپا بعث وارسال ویکرمی یدی غزاده
بالذات وجود عالمسودهایونلری شرفبخش وجود اولدقلری حالده یالكیز
طقوز دفعه طرفین بیننده حرب ظهور ایتمش وغزوات سائر
قبل الحرب عقد مصالحه صورتیه نیجه پذیر حسن ختام اولمشدر .

دعوت دینه ایچون حربیه جواز اولمادیغنی دلائل مبسوطه ایله رهین

رتبه ثبوت و بدهاوت اولجه شریعت غرای اسلامیة ده حرب مدافعه اعدا ومقابله خصما ایچون تجویز بیورلمش اولدینی وهرنه زمان دشمن ترك سلاح ومائل صلح وصلاح اولور ایسه تکلیف اولنه حق صلح قبول ورامسلم ومصافاته دخول لزوم شرعی می تبین ایدر. نته کیم سورة انفالده ﴿فان اعزولکم فلم یقاتلکم والقوا الیکم السلم فاما جعل الله لکم علیهم سیلا﴾ آیات کریمه لری ثبوت مدعایه بر برهان واضح الیساندر. ومضمون منیفه لری: ای زمره مؤمنین دشمنانکز سزه تعرض ایتیموب محاربه کزدن اجتناب ایله سزه مصالحه تکلیف ایلدیکی حالده آرتق آنلره تعرض ایچون جناب حق سزه بر طریق مشروع بر اقامشدر. حربک ایلکجی سبب مشروعیتی دخی حسن رضایله سالک راه مصافات ومائل صلح وموالات اولیوب همیشه تفرقه دینه ایله جنک وجدال وآسایش ونظام علمی اخلال آرزوسنده بولنانلری خواه وناخواه طریق صلح ومسالته دخوله اجبار ومابه الاختلاف اولان اسباب شقاق ونفاق ازاله ایله تألیف ذات البین وتوحید عقائد طرفین امنیه سی وتادیب وتهذیب مقصدی ایله درکه بوکبی محاربه بریدر مشفق سائنه جهالت وطفولیت ایله نیک وبدی تفرقه مقتدر اولیان اوغلنی مکتبه کیتک یاخود تهلکلی ایشلردن صاقتمق ایچون کندیسنه بر قاج طوقات اورمسنه یاخود بروجودک سلامتی وبرحیاتک محافظه سی ایچون طبیک اجرا ایلدیکی عملیات جراحییه بکزرکه ظاهرا مؤلم اولان سله پدر ونشتر جراحه هیچ بر زمان عدم شفقت وسوء نیت حمل واسناد ایدیه میه جکی هویدادر. نته کیم قرآن عظیم الشانده بومثالولرک محاربه لری حقنده نازل اولان ﴿قل للذین کفروا ان ینتهوا یغفر لهم ما قد سلف وان یعودوا فقد مضت سنة الاولین وقاتلهم حتی لا تکن نسته ویکون الدین لله فان انتهوا فان الله بما یمعملون بصیر﴾ آیات کریمه لری معانی شریفه لری: ای پیغمبر ذیشانم، سن بر دین مبینه تابع ایکن ارتداد ایدن ویاخود هیچ بر دین ایله متدین اولیان منکرلره سویله که اگر بولندقلری حال ارتداد وانکاردن رجوع واجتناب ایدرلر سه جناب رب رحیم آنلرک کچمش کنه لری غفو ومغفرت ایار وینه ردت وضلاللرینه عودت ایدرلر ایسه پیغمبر لری انکار ایدن ام سالفه نک دوچار اولدقلری عذاب وعقاب معلوم اولمسیله باعث جنک وجدال اولان قته ضلاللرینه میدان ویرمه مک و دین وعقیده لری مبعود بالحق اولان ذات ذوالجلاله خاص وخالص اولق ایچون آنلره مقاتله ایله، کفر وضلاللرندن واز کچرلر ایسه جناب حق اعماللرینه واقف واکه در. وبوا حکام جلیله یی مؤید اوله رق کذلک آیات قرآنیه دن ﴿وان تابو واقاموا الصلوة وآتوا الزکاة فاخوانکم فی الدین ونفصل الایات لقوم یعلمون وان نکشوا ایمانهم من بعد عهدهم وطمعوا فی دینکم نقاتلوا ائمة الکفر انهم لا ایمان لهم لهم ینتهون﴾ آیات شریفه لری معانی منیفه لری: ای زمره مؤمنین، طائفه مخالفین بولندقلری ردت وضلالدن توبه ایدوب نمازی ادا و ذکاتی ایفا ایدرلر ایسه سزک دین قرداشلرکز اولمش اولورلر واکر سزه ایتدقلری یمیلردن صکره عهد وپیمانلری

نقض ایدر و دینکزه طعن ایلرلر ایسه کفارک سرکرده لریله محاربه ایدیکز زیرا آنلر ایچون عهد ویمیک حکمی یوقدر اوله که حرب ایله عدوانلرندن رجوع ایدرلر دیمکدر. ایشه بو آیات کریمه دخی حربک یالکیز تادیب وترهیب مقصدی ومدافعه ومقابله صورتلریله تجویز ایدلیدیکنی مثبت اولدقلری کبی باعث شقاق ونفاق اولان نسته اختلاف زائل واحکام دینه ایله عامل اولدقلری حالده عامه ناس دینده قرداشلرمر اولدقلری ونقض عهد وپیمان حالده دخی یالکیز رؤسای فساد وسرکردکن کفر وعنادک محاربه لری جائز اوله جنی ونقض عهد وپیمان و دینه طعن ایله اعلان کفر وعصیان ایتدکجه محاربه لری ایجاب ایتیه جکی واضح ونمایاندر.

معاهدات حقنده کی احکام شرعیه

شریعت غرای اسلامیة کزک بین الافراد وکزک بین الامم وقوعبولان معاهدات احکامنه رعایتی فرائض دینه دن عد ایتش ودشمن طرندن فعلا نقض عهد ایدلدیکه معاهدات احکامک اخلاله مساعده ایتامشدر.

عهود احکامک محافظه سی امرنده معاهدینک ادیان ومعتقداتی نظر اعتباره الخیر ومعااهده ایدیلان ام واقوام نه دین ومذهبه اولورلر ایسه اولسون حقوق عهدیه لریک اخلاله شریعت جواز ویرمز.

بالاده ذکر وایراد ایدیلان آیات کریمه احکام جلیله لردن دخی مستبان اولدینی وجهله عهد سعادتده وقوعبولان محاربات کفار قریش ایله طوائف یهوددن بضلریک علیه الصلوة والسلام ائدمزله وقوعبولان معاهداتلری نقض ایله خلافتده حرکت واعلان حرب وخصومت ایتلرندن ناشی ایدوکی دلائل مسروده ووقائع تاریخیه سیله مثبت ومعلومدر.

نته کیم سورة انفالده نازل اولان [الذین اهدت منهم ثم یتقضون عهدهم فی کل مرة وهم لا یتقون فاما تنقضهم فی الحرب نشرد بهم من خافهم لهم یذکرون واما تخافن من قوم خیانة ذابذ الیهم علی سواء] آیات کریمه لری معانی شریفه لری ای پیغمبر ذیشانم سنک کندیلریله معااهده ایلدیکنک قبائل هر بار نقض عهد وپیمان ایلدیکلری وغدر وخیانتدن چکنم دیکلری حالده یا کندیلری حرب ایله تهدید ویاخود جنک وجداله قیام ایله کندیلرینه میدان وغده تصادف ایلدکه قهر وتدمیر ایله قوه الظهورلری طرد وتبیدایله. اوله که نادم وپشیمان وطالب غفو وامان اولورلر. واکر بر قومک غدر وخیانتلرندن اندیشناک اولور ایسک کندیلرینه عهد وپیمانلریک حکمی قالدیغنی بیان واجیقندن اچیغه خصومتی اعلان ایله. زیرا جناب حق خائنلری سومز دیمکدر.

اشته بو آیات کریمه احکام جلیله لردن مستفاد اولان — کندیلریله معااهد بولندیغمز اقوام احکام معاهداته مخالف حرکته هر بار اعمال عدوانیه و افعال جنکجویانه قیام ایلدیکلری حالده وعد ووعد وتخویف وتهدید ایله دفع شر ویکدقلری ممکن اولدینی صورتده

اوجھتی اختیار ایدمک لازم کله چکی [نشر دہم الخ] نصیلہ واضح و عیادر .

ہجرت نبویہ نیک طقوزنجی سنہ سندنہ اسلام ایلہ معاهد بولنان قبائل قسم اعظمی بلا موجب نقض عہد و ایمان ایلہ جنک وجدال و حرب و قتالی اعلان ایلملری اوزرینہ نازل اولان [بر آئے] سورہ شریفہ سندنہ مقابلہ بالمثل قاعدہ سنہ رعایتلہ مقاتلہ لری امر و فرمان بیورلمش اولدینی حالہ [الالذین عاہدتم من المشرکین ثم لم ینقضوکم شیئاً ولم یظاہروا علیکم احداً فاقموا الیہم عہدہم الی مدتہم ان اللہ یحب المتقین] آیات کریمہ لر تہ قبائل مشرکیندن نقض عہد ایتیمان و مسلمینہ بر ضرر و نقصان ایراث ایلمیان و اسلام علیہندہ دشمنلرہ بر کونہ معاونتہ بولنمیان مشرکلر استثنا بیوریلر ق معاہدہ لری مدتک ختامہ دکن کندیلرینہ تعرض ایدیلمامسی و احکام عہدیہ لری رعایتلہ تعدیدن اجتناب ایلمسی خصوصی امر و فرمان بیورلمشدر . حضرت بی دیشان معاہدہ بی تفسیر خصوص سندنہ [وفاء لا غدر فیہ] بیورمشلردر؛ یعنی عہدہ وفا لازمدر ، غدر جائز دکادر .

و (ابو ثعلبہ الحشنی) رضی اللہ عنہدن روایت اولنور کہ غزوہ (خیبر) دہ عقد اولنان معاہدہ صلحہ دن صکرہ طائفہ یهوددن بر قاج کسہ کلوب اصحاب کرامدن بعضلرینک باغچہ لری نہ دخول و بقلہ و صار مساق کبی بر سبزہ آدقلرینی معرض شکایتہ بیان ایلدیکلرندہ حضرت سلطان انبیا علیہ افضل التحایا عبدالرحمن بن عوف رضی اللہ عنہ امر ایدوب بین المسلمین اموال معاہدینک بغیر حق اخذی جائز اولدیغنی ندا ایلمسنی بیان و [لا حول لکم شیئاً من اموال المعاہدین الا بحق] حدیث شریفہ حقسز اولہرق اموال معاہدیندن بر چوب المی حلال اولمادیغنی امر و فرمان بیورمشلردر . مابعدی وار

ماردنی زاوہ : عارف

والدہ مک مزاری

ایشتہ بو حزین قبر سکون پرور ایچندہ
خوش رایحہ کلرلہ یشیلکلر ایچندہ
خوابیدہ سین ای آفل اولان مہر حیاتم
آرتق صارہ جق قبریکی ہر آن ظلماتم
ایواہ ... دیمشک بکا ای شعلہ چشمان
— « کامل ... اویانیرسہم بکا کس برایکی قربان » [۱]

بکلمر سنی شب تابسحر دیدہ کریان
آرتق اویان ای والدہم ای مونس وجدان

...

یک رنگ کدر اولدی بتون لیل و نہارم
آرتق نہ کلم وارہ نہ ہزارم نہ بہارم
گویا بولہ جقمش کبی بر حس ایلہ بعضاً

[۱] عمیات حراچہ دن صکرہ از محال ایشدر ...

در حال اوطہ کہ - آہ - شتابان اولورم بن .
ہرشی طورور آمادہ اخطار فلاکت
ہر شیدہ اویور برہیجان بخش سکونت
بکلمر سنی شب تابسحر دیدہ کریان
آرتق اویان ای والدہم ای مونس وجدان

...

ایام حیاتکدہ سنک - بونجہ زمانلر -
پروردہ انعام فراوانک اولانلر
هیچ ایتدیلر حزن و تأثر بیلہ اظہار !
برقطرہ سرشک ایلہ جک یوق ایمش ایشار !
بن ... بن ایسہ بیدار فغانکار لیلم
برلیلہ مظلم کبی تاریکی حالم ،
بکلمر سنی شب تابسحر دیدہ کریان
آرتق اویان ای والدہم ای مونس وجدان

...

طویماز قولانم خاطر می شاد ایدہ جک سس
ییلر کچور اسمدی بر بان مددرس
بیچارہ ، فلاکت زدہ ، پژمردہ آمال
دائم اولورم خاک سرقبری کہ رومال
آغوش شفیقک ایکن ای نور نکاہم
باقی خوابکک اولدی بنم شمدی پنہام
ترک ایتہ اویانمازسہک اگر عالم دونہ
آل یانکہ سنلہ وارہم خواب سکونہ

نیردننی زاوہ : لعل



(زیادۃ المرء فی دنیاہ نقصان) قصیدہ فریدہ سنک صاحبی اولوب بن الفضلا
(ذوالسانین) لقب منخیلہ ممتاز و سرافراز بولنان (ابوالفتح ہستی) دیورکہ :

ہمہ بصلح در آی و ہمہ مدارا کن
کہ از مدار کردن ستودہ کردد مرد
اگرچہ قدرت داری و شوکت بسیار
بکرد صلح در آی و بکرد جنک مکرد
نہ ہر کہ دارد شمشیر ، جنک باید کرد
نہ ہر کہ دارد بازہر ، زہر باید خورد

ترجمہ

ہمیشہ صلحہ یناش دائماً مدار مدارا اقل
کہ صلح و سلم ایلہ ممتاز اولور فحول رجال
کمال شوکت ایلہ اقتدارک اولسہ دخی
مدام صلحی کوزت حربہ قیلہ استعجال
قیارمی کندینہ زہر ایلہ حامل تریاق
ایدرمی تینی اولان ہرجسور عزم قتالہ

معلم فیضی